



Clinton koalia kona-ba Trump: ‘Ita nia tusan ba nia mak neon nakloke no oportunidade atu lidera.’

Kalan Eleisaun pertense ba Donald Trump. Hafoin nia hatoo tiha nia diskursu aseitasau, Amerikanu sira hein hodi rona saida maka nia kompetidór, eis Sekretária Estadu Hillary Clinton sei dehan bainhira koalia ba nia apoiante sira iha Sidade Nova Iorké iha dader ne'e.

“Donald Trump mak sei sai Prezidente, Ita nia tusan ba nia mak neon nakloke no oportunidade hodi lidera,” Clinton fó sai iha nia diskursu loron 9 fulan

Novembru. "Ita nia demokrasia konstitusional konsagra nanis ona kona-ba transferensia poder ho dame. No ita lá'os respeita deit, ita valoriza ida ne'e."

Video: <https://youtu.be/uqh6FcYJ6WE>

Iha Estadus Unidus, ema sira ne'ebé lakon iha eleisaun sira ne'ebé sira luta ho makaas_ fó parabens ba sira ne'ebé manan, sira rekoñese lejitimidade rezultadu nian no enkoraja sira nia apoiantes hodi haree ba futuru.

"Tranzisaun poder ho dame sai nudar pontu importante husi ita nia demokrasia," Prezidente Obama koalia sai iha nia diskursu hafoin Clinton rekoñese nia derrota, "no iha fulan hirak mai, ita sei hatudu ida ne'e ba mundu."